



**Дона ветеранъяс,
тылса уджалысьяс,
сиктса пыдди пукта-
на войтыр!**

**Пöся чолöмалам тiянöс
медтöдчана да пыдди пук-
тана празникöн - Великой
Отечественной войнаын
ыджыд Победа шедöдöмөн!
Май 9 лун - Россиялөн исто-
рияын медъюгыд, медтöд-
чана празник. Кымын бөрö-
джык кольö 1945-öд вося май,
сымын тöдчанаджыкөн лö
подвигыс Победа шедöдысь-
яслөн, кодъяс дорйисны Рö-
динаöс нарт улö босьтö-
мысь да увтыртöмысь, фа-
шизмлөн кабырысь.**

**Став странакод öтув ку-
лöмдинсаяс дорйисны чужан
му, венисны война кадся сьö-
кыдлунъяс, вын жалиттöг
уджалисны тылын, пуктис-
ны тöдчана пай государство
ёнмöдöмö.**

**Муöдз копыр Айму дор-
йысьяслы, тылын уджалысь-
яслы. Тайö тöдчана лунас
сиам тiянлы крепыд дзонь-
видзалун, кузь нэм, юр весь-
тын сöстöм енэж, сикт сөв-
мöмын вермöмъяс.**

Победа лунөн!

**Сикт овмöдчöминлөн
Сöвет да администрация.**

Войнадырса челядь

Таладорын эз шутьлявны пуляяс, эз потласьны снарядъяс, фашистъяслы эз мойви пасьвартны Коми муысь каръяс да сиктъяс - таын ыджыд пайыс салдат-воинъяслөн, став йöзлөн, кодъяс дорисны Победа. Ыджыд, вир кисьтана война тöдлысьяслы тайö сьöкыд воясыс вежöраныс колисны нэм вунöдлытöмөн. Тшöтш войнаса челядьлы, кодъяс сэки эз на гөгөрвоны сылысь тöдчанлунсö, но пыкисны нин тшыгъялöм, уджалисны версьöяскöд радын, кадысь водз эновтисны челядьдырсö. Пасйышта некымынлысь висьта-сьöмсö.



**Екатерина Трофимовна Ел-
фимова:
-1995 восянь ветлывлі ве-**

теранъяслөн хорö. Шойччигъ-ясөн волам сёрниö олöм-вы-лöм йылысь, тшöтш тшуклам челядьдырö, том кадö, кодъ-яслысь шудсö мырддис война. Татшöм сёрниясөн ми ёна матыстчим öта-мöд дорö Клавдия Александровна Чи-сталёвакод, Анна Александровна Торлоповакод, Раиса Михайловна Липинакод да миян кодъ жö судьбаа хорö волысь мукöдкöд.

Менам челядьдырöй гудырт-чис войнаöдз на, кор батьöс судитисны лавкаын уджалигөн неыджыд растратаысь. Бö-рыннас тыдовтчис, мый сор-сьöмаöсь прöверитысьясыс, но вöлі нин сёр. Кык письмö и воліс, а сэсся бать вопис лы ни кучик. Мам колхозын мыр-сис öтнас, медым кутны се-мья, миянкöд олісны тшöтш пöрысь ыджыд мам да ви-сьысь чож.

Война öктіс став вермысь мужичöйясöс, да колхозлөн и гортса уджъяс усисны ныв-бабаяс, пöрысьяс да челядь-вылö. Войпокаын (менама чужанінын) овмöслысь воропсö война чöж кыскис ыджыд арлыда нин Öльöш Миш, сö-мын фронт вылысь локтöм Н.М.Попов вежис сійöс. Ныв-бабас гöрисны и кодзисны, чöвтисны гырысь зорöдъяс, вöлі уна скöt, паськыд видз-
(Водзö 3, 4 лист бокъясын)

Чистота села - наша общая забота!



**Руководитель администрации
сельского поселения «Усть-Кулом»
С.В.Рубан**

Сегодня на страницах нашей газеты мне бы вновь хотелось обсудить с читателями очень важную для села проблему - чистоту и благоустройство его территории. В прошлом году на страницах нашей газеты было рассказано о возможности заключения договоров по вывозу мусора, о проведенной администрацией работе по благоустройству, состоянии свалки и др. Это остается актуальным и в нынешнем году.

Вначале я хочу обратиться ко всем своим землякам с вопросом: сколько еще времени все мы будем так безобразно относиться к чистоте своего села? Приведу несколько примеров: в центре села уже несколько лет расставлены урны, их количество каждый год увеличивается, но проходит какой-либо праздник или выходной день, и мы видим абсолютно пустые урны и контейнеры, а весь мусор валяется на асфальте. В декабре прошлого года был построен снежный городок, к нему проведена световая иллюминация. И что в итоге? За короткое время часть фигур была сло-

мана, на глазах своих родителей дети залезали на фигуры и палками ковыряли снег на них, в результате через пару недель от городка осталось одно лишь название... Зачем так поступать - я не понимаю. Неужели всем нам не хочется чистоты и порядка в родном селе? Только силами администрации этого никогда не добиться! Поэтому я обращаюсь ко всем устькуломцам и гостям нашего села - не оставайтесь в стороне при решении вопросов благоустройства, объясняйте своим детям правила поведения, содержите территорию возле своих домов в чистоте!

Немного о том, что сделано администрацией и планируется в этом году. Приобретены 30 мусорных контейнеров, необходимых для замены старых и установки в новых местах сбора мусора. В центре села вновь планируется разбить клумбы с цветами, для чего уже заказаны свыше 1000 рассады. В конце апреля - начале мая будет объявлен традиционный "субботник", в ходе которого планируется вывезти за пределы села большую часть осеннего и зимнего мусора. Прошу всех жителей села следить за объявлениями и принять в уборке самое активное участие. Мы просим весь собранный мусор оставлять в мешках или пакетах на краю проезжей части с тем, чтобы было удобнее и быстрее вывозить его на свалку. Если у кого-то возникнут проблемы с наличием тары, то специ-

альные мешки для мусора можно получить в администрации поселения, т.к. нами приобретены более 2000 штук высокопрочных полиэтиленовых мешков. Будет установлен деревянный тротуар на участке улицы Советская (от магазина "Хлебозавод" до здания соцуправления). Планирована работа по очистке водоотводных канав, сносу ветхих сараев, скашиванию травы и борщевика. Будет дооборудована детская площадка за зданием администрации района. В планах строительство небольших спортивных площадок в разных уголках села.

Особо хочу отметить такую проблему, как несанкционированные свалки вокруг села. Благодаря "усилиям" жителей Усть-Кулома большая часть территории вокруг села превратилась в свалку! Мы все ходим в лес, на природу, чаще всего со своими детьми, а там ступить негде - кругом бутылки, пакеты, банки... Объездная дорога за улицей Ленина, овраг ручья Вичко-шор, район бывшего парома - посмотрите, что там творится, и все это сделано руками человека.

В заключение обращаюсь к руководителям организаций и учреждений, жителям села: следите за чистотой своей и прилегающей территории, уберите дрова после заготовки, сложите доски и, конечно, примите самое активное участие в ежегодном весеннем субботнике!

Войнадырся челядь

му. Мам, Зоя Ильинична Попова, уджъяс вылын пыр вöли медзильяс лыдын - турунтö лэпталис медджу-джыд зорöдъяс вылö, ытшкис паськыд покосөн. Меным ворсны вöли некор жö - гождёмбыд весалим градъяс, катлим ва да киськалим капуста, Öльö чождкөд пилитчим лучкөвöй пилаөн. 5 классянь ковмис энотны школа. Пыри кага видзны Максаковкаса детсадыö, но паспорт абутöмла вöтлисны. Медасьли пес пилитчясьөн, поткөдчясьөн... Меным вöли 13 арöс. А тшыгъялöмьд нэм оз вун.

Öни син водзö сувтлö олөмöй да синва петö. Эз кө вöв война, гашкө, туйöй артмис мөднаго. Велөдчи окотапырысь, а со лои шыбитны. Та вöсна бертисьöкыд удж, нель челядьөн пышши сямтöм верöсысь, томөн вöйиспийöй. Ыдждыд мам война вылö мөдöдис вит пиöс. Ёна ранитчөмөн, но ловйөн волисны кыкөн. Бөрдöмысла ачыс синтöмис.



Людмила Александровна Педюк:
2013 вося май

-Куим арöснад, дерт, эг на гөгөрво, мыйла тшöкыда улич кузя мунö уна йöз, праздникын моз ворсöны гудökөн, а нывбабаяс, мыйлакö, чышкалöны синва. Эг на веждорт и сэк, кор тадз жö 1942 вося февральын гортын рытпукисны, а мөд луннас мам да рөдвуж, керкаысь петтөдз, топыда кутлысисны батькөд. Вöли зэв көдзыд. Бать менö босьтис ки вылас да чизыр тöлысь тупкис купайканас. Тадз и муним Носимөдз. Ас сиктса Оброс Öньö гудöкасьöм улö кодсюрö сылыштисны. Мам да бать мунисны орччөн, мыйкө пыр сёрнитисны. Кыли пызь йылысь да батьлы морöсас шашаритчи, мися некытчö ог лэдз, кытчөдз мельничайсь изöм нянь он вай. На костысь жö тайö төжд йывсьыс кывли, со и воссис вомöй. Тшыгйөн пö онö кольöй, чайта, регыд бөр локта, менö топыда кутлөмөн шуис бать.

Кольөдчисны сикт помын, водзö мунысьяс, тшöгш гудöкасьысь Оброс Öньö пукисны вöв доддьö, дыр на öтарсяныс и мөдарсяныс öвтчисны кияснаныс. Гортлань ставөн восьлалисны чöла.

Батьсянь волис сöмын öти письмö. Воськалöма Ленинградскöй фронт вылö.

Кор война вылысь локтис Оброс Öньö, висьталис: гортысь пö муним öтлаын, слу-

житны веськалим öти-лаö жö. Öти пöсь тышын немечъяс босьтöмаось кытшö да Ленинград дорса нюр пыр петигөн кольöмаось сöмын сизимөн. На лыдын бать абу вöлөма.

Войнаöдз сийö уджалис сиктсöветса председателён, нöшта нёрпалис сьöлөмнас да та вöсна сетлисны бронь. Повестка воöма сийöс вежысь счетовод Друговлы, а военкоматас мунöм водзвылас нин топöдöма висьöм. Сы пыдди бать вöйöма асьсö, ас пыддиыс кольöма Друговсö. Та мында и тöдлим шань батьнымöс, кодöс пыдди пуктылөмаось и сиктсаяс. А мам ки вылö колим 8 чоя-вока. Садьмылим мам бөрдөм шыö, пальөдлим и мөс лысьтигас.

Колхозын көть уджалис асьсö жалиттөг, вочасөн быри сёян запас, ротйысис көмпась. Эгö яндысьлөй дөмаса паськөмысь, гын сапөг асьным дөмлим, новлим вежласьöмөн - кодкө көмавлис, кодлыкө ковмылис гортын пукавны. Сьöкыд олөмысь другөн верстяммим, чепсасим мамлы отсасыны гортын и колхозын. Мияныльсь трудоденьяссö сылы гижлисны. Помнита, 1944 во помын сетисны 4 мешök тусь. Радным! Няньыд сэк вöли меддонатор. Нöшта, война воясас и война бөрас эз во картофель, слаба быдмис градыв пуктас. Картофельтö мыським да корнас и пулим. Мам

войяснас ветлывлис чери кыйны да вежлывлим кутшöмкө сёян вылö. Төдлытөг кушмис пес чипасным да чоя-вокаяс лэччывлим ва дорö пес кутавны. Уль пескөн и ломтысим. Мам вузалис ыргөн самöвар, медбöрын - мөснымöс. Ме висьмывлі, пыктавлі да во коли школаысь. Победа йылысь чуйдис велöдысь Апполинария Ивановна Напалкова. Керкаö радпырысь пыригмоз на шуис: «Горзьөдöй репродукторнытö, война помасьöма. Регыд сиктсаяс локтасны война вылысь». А мам синвасорөн вомгорулас шуыштис: "Локтасны..."



Светлана Петровна Касева:

-Веждөрö коли Николай вокöс фронт вылö кольөдөм. Бать эз вöв нин гортын. Николай, лөз дөрöма, качнитлис менö, сөсся топөдлис морöс бердас да шуис: "Кывзысь мамыдлысь. Локта да юала сылысь. А 1942 воын воис похоронка.

Война кадас ветли детсадыö. Сийö меститчис образцөвöй школаын (кык судтаа вöвлөм восьмилетнөй), детсад - улиас, классъяс - вы-

лиас. Нянь шөрөм вайлим гортысь - лунтыр кежлө юклисны нельпельё. Өтчыд нывь-ёртлысь аддзи банйом сөчөн да вежой петис, кори вежсыны аслам нянь юкөнөн. Сэссия өдва и някляли - курыд качысь пөжасыс. А нывка пыр элясьлис кынөм вылас, мукөдысь сайөдчөмөн весиг бөрдлис, корсюрө висысь кынөмсө зыравлис.

Детсадын лунтырөн вердлисны медясө анькытша шыдөн, картупель крахмалысь гудралөм кисельөн, юөм вылө - чай либө йөв. Өтчыд, выль во водзвылын сетлисны яя шыд, да чөскыд көрсыс муртса эг кольмы. Эз вөв көм ни пась - война воясө мам нинөм эз вермывлы ньобны, көть луннас уджалис колхозын, а рытнас - библиотекаын. Самолётсянь шыбитлисны ёкмыльяс, миян семьялы сэтысь сетлисны

менлы лөсялана юбка - дзик еджыд, векныдик турунвиж визьяса. Тайө вөли меным зэв дона вөччанатор. Сэссия вайлисны польлы көм, кодөс ставным новлим, мед көть и ыджыд вөли.

Өнөдз ёртасям челядьдырся пөдруга Тамара Рабченкокөд (Чаланова), казтыштлаам и челядьдырнымөс. Сылы вөли меысь на сьөкыд. Мамыс вөйлис, батысө босьтисны фронт вылө. Кык чой олисны пөрысь пөльпөч ордын. Тамараөс Зоя чойыскөд пыртлывлі гортө да вердыштлі. Мам таысь эз вид. Ачыс Комиө веськавлөма 9 арөсөн кулачитөм баты-мамыскөд, олөмаөсь ыстылөмъяслөн уна йөза Чудью посёлокын да төдлөма сьөкыдлунсө. Сэкса каднас унаторйө велалөмыс сгөдитчөма и война воясө ыджыд семьясө кутөмын. Косьтивліс быдсикас ту-

рунъяс, пуктывліс шыдө да нянь шомө, юктөдліс чайөн. Шулывліс: вөр-ваыслөн выныс пө видзас миянөс.

Гортын вөли важник карта. Паськөдлім джодж шөрө да мам отсөгөн видзөдлім, кыти мунісны немечьяс да миян войскаяс, кутшөм каръяс босьтисны да мездисны. Кывзылім радио, гырысьджыкъяс лыддисны "Правда" газет. Дыр видзим өти номер, көні гижлисны Танялөн (Зоя Космодемьянскаялөн) подвиг йылысь.

Тешкодя артмис батыкөд аддзысьөм, көть быд лун сійөс казтывлім, кевмим ловйөн локны. Өтчыд кодкө таркөдчис. Кильчө восьтны котөрти ме, а сэссия повзөмпырысь өдйө бөр пыри гортө. "Сэні кодкө еджыд юра", - өдва верми висьтавыны. Петис пөль, да локтыськөд пырисны кутлысьөмөн. Бөрд-

дзис да воча уськөдчис и пөч. Вөлөмкө, батысө сьөкыда ранитчөм бөрын госпитальысь лэдзөмаөсь гортө. Юрсө вөли гартөма бинтөн.

Өти асылө (вөли май 10 лун) пөль-пөч садмөдисны зэв водз: радио висьталөма война кусөм йылысь. Пөч пуксьөдіс ставнымөс пызан сайө, кисьталіс чай - казтыштам пө ставнысө, кодъяс вайисны татшөм ыджыд лунсө.

Киө тшөкыда босьтлывля война кадся карточка. Детсадын медводдзасысь вөли ёлка гаж. Сэки медводдзасысь жө сувтөдлісны снимайтчыны. Важөн вөли, а синъяс водзын ёртъясөй, кодъяскөд быдмим тайө сьөкыд воясас.

Гижөд Нина Буткиналөн.

Медводдза да бөръя снимокъяс архивысь.

Мөд снимок Николай Лютоевлөн.

Миян йөз

Енбиа морт



Важөн нин мунө сёрни, мый өнія фотография вочасөн вежас художникъяслысь картинаяссө. Гашкө, збыль и эм да. Районса библиотекаын февраль 1-өд лунсянь март 5-өд лунөдз муніс фото-выставка "Коми мулөн рөм". Авторыс - ставлы бура төдса Виктор Остряков. Сылөн сыланкывйыс "Лэбө тури"

юрчис некымын во сайын "Василей" фестиваль вылын. Ачыс Виктор Егорович зэв бура сьылө. Но енбиа мортыд нөшта на чуймөдіс миянөс ку-жөмлуннас.

Пыран библиотекаө да он вермы синтө вештыны снимокъяссыс. Сьөлөмыд радлө. Ставыс төдса серпасъяс. Фотоапарат кнопкаяс выйыс "Лэбө тури" (Водзө 5 лист бокын)

лад ми велалім нин личкавнытӧ. Ноколӧд нӧшта кужны корсьны татшӧм мичлунсӧ, кыйны здуксӧ.

То шондіыс быттӧ пысасьӧма пожӧм лысъясас да ӧшалӧ югъялысь чача моз. А мӧд снимок вылын сійӧ "рождествен-

скӧй" кодзув кодъ. А то ва вылас кодкӧ содзтырнас быттӧ коялӧма кодзувъяс, дзирдалӧны шонді улас.

Медъяна мен кажитчис сэтшӧм серпас: вӧрса туй, гӧгӧр рӧмьд, а шондіыс вермӧма писькодчы-

ны джуджыд козъяс костӧдыс, да ставыс сійӧ югӧр улын ловзӧма, радлӧ быд лыс, быд турун. Мыйлакӧ, тайӧ фотография вылас видзӧдӧгӧн, син водзӧ воисны нималана художник И.Шишкинлӧн

серпасъясыс.

Вӧр-ва радейтысьяслы тайӧ выставкаыс - ыджыд козин. Аттӧ таысь Виктор Егоровичлы.

**Гижӧд Нина Поповалӧн,
Снимок Виктор Остряковлӧн.**



Дас во чӧж Кулӧмдін сиктса челядлӧн керкаысь "Фантазия" котыр быд праздник дырйи гажӧдӧ йӧзӧс аслас лов кыпӧдана да мича йӧктӧмӧн. Юрнуӧд тайӧ том войтырнас паськыд мывкыда да ыджыд сямлуна ань - Татьяна Анатольевна Кочанова.

Татьяна Анатольевна чужліс Сыктывкарынын. Налӧн семьяын быдӧнлӧн вӧлі кутшӧмкӧ да кутшӧмкӧ сӧлӧм бурмӧдана нок: кодкӧ радейтис сывны, кодкӧ йӧктыны. Школаын велӧдчигӧн Татьяна Анатольевна котраліс урокъяс бӧрын Пионеръяслӧн дворецӧ йӧктан кружокӧ. Школа бӧрын велӧдчис мӧд номера педагогической колледжын, босьтис воспитательлысь специальность. Уджалис Сыктывкарын Католиков нима школа-интернаттын, сӧсся 1995 воӧ локтис миян районӧ.

2013 вося май

Во уджаліс Кебанъяльса челядь садйын, во - Улыс Вочса школаын педагог-организаторӧн. Вочын сійӧ заводитис нуӧдны челядлы йӧктан кружок. Тадзи, полігтырйи, вочасӧн-вочасӧн, Татьяна Анатольевна матыстчис радейтана удж дорӧ, кытчӧ кыскис сійӧс лолыс. 1997 восянь сійӧ уджалӧ Кулӧмдінса челядлӧн керкаын содтӧд босьтан образованиеса педагогӧн.

Чорыд мудӧда йӧктан коллективыс сӧвмис 2001 воӧ. Таӧдз вӧліны корсьӧмъяс, видласьӧмъяс, тыдавтӧм мытшӧдъясӧ зурасьӧмъяс, сконъясьӧмъяс. Но Татьяна Анатольевна сӧкыдъясысь эз повззы, киясыс сылӧн эз усьны, дугдывтӧг корсьысис да, асьсӧ ни челядсьӧ жалиттӧг, велӧдіс енбиа том войтырӧс.

"Фантазия" нимсӧ коллектив новлӧдлӧ

Фантазия збыльмас?

2004 восянь. Занятиеыс вылӧ воливлӧны 1 - 10-ӧд класса велӧдчысыс. Занимайтчӧны ӧти и сійӧ жӧ челядь, ог кӧ лыддӧй найӧс, кодъяс муноны водзӧ велӧдчыны. Медся "пӧрысысь" группаын - Наташа Шебырева, дыр нин йӧктӧ ыджыдъяс пысь, сійӧ ветлӧдіс кружокӧ челядь садиксянь, ӧні велӧдчӧ 10-ӧд классын. Медводза выпускницаыс - Анастасия Кочанова ӧні Московскӧй театрса балерина. Мария Шрамко велӧдчӧ Самараын хореографической школаын. Ольга Тарабукина, Александра Сурминкова, Ирина Напалкова да Екатерина Гулынина велӧдчӧны Республикаса искусствояслӧн Ю.А.Спирidonов нима гимназияын. Куимӧн велӧдчӧны Культуралӧн колледжын. Тайӧ Елена Липина, Оксана Денисова да Ирина Рассыхаева.

Мӧд во искусствояслӧн гимназияӧ кӧсйӧ лӧччыны Иван Сорокин. Сійӧс карын видзӧдісны нин, ошкисны да тшӧктисны тӧчны ноп.

Кольӧм воыс коллективлы лой медся озырӧн. Лӧсьӧдісны 14 йӧктан-концертнӧй номер. Тайӧ зӧв уна. Мукӧд воӧсӧ овлӧ ӧна этшаджык.

Кулӧмдін районса

культура лунъяс кежлӧ ветлісны Сыктывкарӧ 24 морт, Музыкальной театрын петкӧдісны "Коркӧ ӧтчыд Виль Во дырйи" виль вося мюзикл. Сценарийсӧ кывбуръясӧн гижис ачыс Татьяна Анатольевна. Видзӧдысыяслы мюзиклыс ӧна кажитчис.

Февраль 1 да 3 лунъясӧ искусствояслӧн гимназияын ордысыны мукӧд коллективъяскӧд 4 -ӧд хореографической конкурсын. Ставыс вӧлі скурсысь унджык морт, 93 коллектив воисны мӧд турӧдз. Миян йӧктысыяс петісны финалӧ да босьтисны 4-ӧд места, мыйысь найӧс пасйисны дипломӧн да призӧн.

Февраль 12 луно Сыктывкарын филармония залын петкӧдчисны вежа бать Питиримлӧн юбилей вылын.

Февраль 19 луно пырӧдчисны "Терпсихоралӧн звезда" регионъяс костса конкурсӧ, кӧні лоины 3-ӧдӧн.

Июнь 1 луно Ыбса финно-угорскӧй шӧринын петкӧдчисны "Дружбалӧн венок" конкурсын.

Тшӧкыда коллектив петкӧдчӧ "Июль" котыркӧд.

Таво январ 13-ӧд луно йӧктисны Сыктывкарса музтеатрын **(Водзӧ 6 лист бокин)**

"Василей" праздник вылын.

Февраль 24-ӧд луно участ- вуйтисны "Звезда Терпсихо- ры-2013" региональной фести- валь вылын, коні босьтисны мӧд места.

Таво чукӧртчӧ выль котыр, локтисны медводдза классын велӧдчысыя. Татьяна Ана- тольевна кутӧ лача, мый че- лядьлӧн тырмас терпенньӧыс да уджачлуныс, и найӧ оз пышъявны. Велӧдыслӧн кык ныв тшӧтш жӧ занимайтчӧны мамыскӧд и на дорӧ корӧмъ- ясыс кык пӧв ыджыдджык мукӧдыас дорысь.

Занимайтчӧны челядь ыджыд залын, коні стен пӧлӧныс пук- талӧма гырысь рӧмпӧштанъ- яс, кутчысьӧм вылӧ перилӧяс,

кодъясӧ босьталӧма важ ав- тобусъясысь. Мича костюмъ- яс вылӧ сьӧмыс абу, та вӧсна став паськӧмсӧ Татьяна Ана- тольевна вурӧ ачыс важник "Зингер" машинаӧн. Зэв ыджыд мытшӧд сувтӧ тран- спорт кузя. Векджык кон- цертъяс вылӧ мунӧ 12 морта коллектив, а Сыктывкарса гы- рысь сценаяс вылын тайӧ этша. Колӧ кӧть нин, мед вет- лисны 16-ӧн. Но та вылӧ колӧ автобус.

Челядь занимайтчӧны око- тапырысь. Паныдасълӧны, дерт, и сэтшӧмъяс, кодъяслӧн оз тырмы терпенньӧыс, да найӧ энӧвтчӧны кружокын занимайтчӧмысь. Но весиг и на пиысь мукӧдыс бӧр жӧ лок-

тӧны. Татьяна Анатольевна- лы ёна лоӧ уджавны и бать- мамкӧд, кодъяс полӧны, мед эськӧ танцевальной кружокын занимайтчӧм понда челядьыс оз кольны школаын велӧд- чӧмысь.

2009 воын челядькӧд бура уджалӧмысь Т.А.Кочановаӧс пасйӧма Коми Республикаса Образование Министерстволӧн почётной грамотаӧн. Татьяна Анатольевна лӧн эм гуся мӧвп, мед эськӧ Кулӧмдӧнын воссяс хореографической школа, и ми став сьӧлӧмсянь кевмам, мед тайӧ енбиа аныслӧн фан- тазияыс збыльмас.

**Гижӧд да снимок
Иван Ногиевлӧн.**

Канаваӧ ветлӧм

Школаын велӧдчӧмысь- олӧмысь унатор оз вун, но вӧлины сэтшӧмторъяс, кодъяс сибдӧсны вежӧрӧ нэм помӧдз. Ӧти татшӧмторйӧн вӧлі ӧк- мысӧд класс помалӧм бӧрын Канаваӧ ветлӧм. 1965 вося июнь тӧлысь. Шондӧ мича асылӧ дас ӧтиӧн вуджим Кулӧмдӧн весттӧ Эжва да мӧ- дӧдчим туйӧ Керчомъялань. Мунӧм берег пӧлӧн, вуджим векньыдик шоръяс, кавшасим кыръяс вылӧ. Душ-мӧдысь пуксьылім шойччыны. Ёна



нин ковмис ӧвтчыны лӧдзясысь. Кокъяс вылӧ тайӧ мустӧм омӧлыд сы мындаӧн шашаритчас, мый весиг гач дӧраыс оз тыдав. Кузь туйӧ мянӧс ышӧдӧс петны клас- сной руководителем - Антонина Васильевна Сладкоштиева. Ми сийӧс зэв пыдди пуктӧм. Колӧ висъявны, мый ӧкмысӧд классӧ ми локтӧм куим школаысь, но велӧд- чан во помалӧгкежлӧ мянлы ка- житчис, мый тайӧ классас ве- лӧдчим став ӧкмыс восӧ. Анто- нина Васильевна кужис ӧдӧ лӧ- сьӧдны бур коллектив.

Керчомъял воим рытнас кӧкъя- мыс час гӧгӧр. Дерт, мудзим, уна- лӧн гаддясисны кокъяс, но некод эз няргы. Антонина Васильевна кодкӧ дорӧ нуис мянӧс узьны. Ӧд- вакӧ кодлӧнкӧ сийӧ войас эз узьсы!

Асывнас ми аддзысьлім Граж- данской война вывса героиня Дарья Кочановалӧн чойкӧд. Фо- тографируйтчим и бара туйӧ.

Мӧд луннас Улыс Вочӧдз эгӧ войӧ: тӧдчис воддза лунся кузь туйыс. Сы вӧсна узьмӧдчим Прупт юлӧн джуджыд берег вылын зэв кыпыд местаын. Бура шойччӧм

бӧрын Улыс Вочыд ӧдӧ и ма- тьсми. Рытнас сиктса клубын петкӧдлім концерт. Классыд миян сылысь вӧлі, велӧдчан воад ми- янтӧг ни ӧти праздник эз кольлы, весиг мукӧд сиктъясӧ ветлывлӧм. Вочса нывъяслы медъяна кажит- чӧма сӧмын на пасьякалысь выль сьыланкыс: "У моря, у синего мо- ря". Узьмӧдчим школаын.

Аскинас ми водзӧ мӧдӧм ва туйӧд. Пуксим пыжӧ да Войвыв Кельтма кузя воӧдчим Кирда грездӧ.

Лоӧ нелямын кӧкъямыс во го- жӧмсянныс, а век на казътывля, кутшӧм ыджыд кывкутана удж босьтӧс ас вылас классной руко- водитель, кор нуӧдӧс мянӧс кузь туйӧ. Да и аслыс уджыс тырмис: колӧ вӧлі думайтны мянӧс вердӧм йылысь, корсьны войколавны мес- таяс, транспорт да с.в.

Ми казъялім, мый Войвыв Кельт- ма - зэв чукля-мукля, радейтӧ гӧгыляс вӧчавны. Рытнас воим Кирдаӧ, но грездӧ пыртӧдз муртса эг воштӧй пыжнымӧс. Зонъяс ды- шиника лэптӧмаӧсь пыжтӧ бе- регад, и юыд ӧдӧ бӧр кыскӧма ас- ланьыс. Ковмис зонъяслы варч-

чӧмӧн мырддыны пыжтӧ ду- рысь юыдысь. А кутшӧм чӧс- кыда ми ужнайтӧм тайӧ рытнас зэв шань йӧз дорын - Касевъ- ясын (ним-вичныс кузь каднад вунӧма).

И бӧръя пода туй: Кирда- Канава. Дыркодь мунӧм важ вӧлӧктӧ. А сӧсся паметъӧ ко- лисны гулыд, югыд, джуджыд пожӧмъяса ягъяс.

Канава тыдӧвтчис виччысь- тӧг да чуймӧдӧс мянӧс: грездса керкаяс пуксьӧмабсь джуджыд гӧра горулас, нюрас. Бӧрыннас висъяталӧсны, мый тулыснас керкаысь керкаӧ позьӧ веськавны сӧмын пыжӧн. Дерт, гӧгӧрвоана, мыйла тадзи лоӧма. Сиктыс вӧлі Екатеринбургской канал дорын пристань сяма.

Аскинас бурджыка тӧдмасим каналыскӧд, рытнас бара петкӧд- лім концерт.

Воис кад бергӧдчыны гортӧ. Сӧлім самолӧтӧ, бӧръяысь видзӧд- лім енӧж вывсянь канал вылӧ. Сийӧ вӧлі кузь линейка кодъ, весиг по- мыс эз тыдав. А билетлӧн доныс вӧлі сӧкся кадӧ, мед воны Кулӧм- дӧнӧдз, кык шайт.

**Казътывлӧмысь вӧвлӧм велӧдысь
Галина Ивановна Рассыхаевалӧн
(Шуралӧва).**


**Снимок вылын походӧ ветлысь-
яс: Валерий Удоратин, Аня Ли-
пина, Маша Кипрушева, Анатолий
Подоров, Ира Липина, Зоя Микун-
шева, Антонина Васильевна Слад-
коштиева, Галя Рассыхаева, Женя
Попова, Валя Тимушева, шӧрас
гражданской война вывса героиня
Дарья Кочановалӧн чойыс Катя
Парась.**

**Лӧсьӧдӧс Иван Морохин.
Снимок Витя Мишаринлӧн.**



Кеша ордын

Челядь шөр библиотекалөн лист бок



Дона лыддысысыяс!

Водзё йёзёдам "Уникальный автор" литературной конкурсё пырöдчысысыяс медбур уджъяс.

Ценности жизни!

Нам жизнь дана, чтоб созерцать природу,
Дивиться красоте искусства и творить,
И как бы трудной ни была дорога
К познанию истины: как правильно нам
жить? -

Иди смелей; любовь, поддержка, дружба,
Здоровье, нравственность, Отчизне служба -
Вот жизни ценности, которые везде
Помогут трудности преодолеть тебе.

Адам Мууев,

8 класса велöдчысь, Аныб сикт.

Небöглы сиём вежон пасйöны быд во Россия пасьта. Таво гажлөн тшупöда пас - 70 во тырём. Челядьлөн шөр библиотеканын ни-мöдисны небöг уна сикас гаж вылын.

"Чолём, небöгкуд!". "Улыбка" садйысь дзюлюкъяс нимöдöны небöг.



"Творчество школа" велöдан семинар. Кулёмдинса да Кörtкерöс районса енбиа челядьлөн аддзысьлём.



"Живая классика" районса конкурсын вермысьяс: Наталья Атапина (1 места), Екатерина Яремчук (2 места), Тимшерса да Югыдъягса шөр школаясысь 6-öd класса велöдчысыяс.



Матыстчö май 9 лун - мян странаын зэв ыджыд да тöдчана пас. И такöд йитöдын тиянöс, дона лыддысысыяс, корам пыравны челядьлөн шөр библиотекаö, көни май шөрöдз кутас уджавны "Победа лунö" фотовыставка. Сэни позьö аддзыны, кыдзи быд во сиктса войтыр донъялöны чужан му дорйысыясöс.

Комиын овъяс

Александра Дмитриевна
Липинаёс
Нина Николаевна
Кувькинаёс
Марина Анатольевна
Нестероваёс
Михаил Альбертович
Лодыгинёс
Леонид Ремирович
Кочановёс
Людмила Юрьевна
Тимковаёс
Надежда Васильевна
Поповаёс
Евгений Владимирович
Климовичёс
Николай Иванович
Вишератинёс
Диана Александровна
Сенькинаёс
Любовь Владимировна
Кочановаёс
Нина Васильевна
Кольмёс
Татьяна Александровна
Гуляеваёс
Александра Васильевна
Игнатоваёс
Галина Семёновна
Ногиеваёс
Борис Егорович Поповёс
Василий Дмитриевич
Поповёс
Тамара Петровна
Кузнецоваёс
Мая Кимовна Липинаёс

Юрий Николаевич
Фёдоровёс
Елена Прокопьевна
Алексееваёс
Георгий Андриянович
Кочановёс
Михаил Васильевич
Кочановёс
Иван Михайлович
Казариновёс
Андрей Иванович
Кочановёс
Николай Павлович
Расовёс
Лариса Николаевна
Липинаёс
Галина Николаевна
Тарабукинаёс
Василий Алексеевич
Третьяковёс
Нина Васильевна
Нестероваёс
Мария Ивановна
Кузнецоваёс
Борис Анатольевич
Липинёс
Николай Михайлович
Ивашевёс
Владимир Николаевич
Игнатовёс
Диана Фёдоровна
Шаховаёс
Елена Александровна
Гичеваёс
Елена Матвеевна
Нестероваёс

Водзё нуодам сёрни сы йы-
лысь, кызди чужисны Коми
муын овъяс.

ГАБОВ. 1646 воын Емваса
Весляной погостын овлома
"Ивашка Гаврилов сын Га-
бов". 1720 во бёрын Габовъяс
овмодчисны Эжва катыдса
Куломдинё. Овъяс Гаврил ним-
сянь, комиён - Габё.

ЗЕЗЕГОВ. Медводдза Зезе-
говъяс "Кирило Тимофеев сын
Зезегов с детьми и племян-
никами" 1720 воын оломаёс
Носимын. Артмома дзодзёг
(гусь) кывйысь.

ЗЮЗЕВ. Татшом ова войты-
рыс паськаломаёс Эжва кыв-
тыдса Гамысь да Палевица-
ысь. Чужан кадсё овыслысь
тодмавны абу удайтчома.
Рочьяслон казтьывсьё Зюзя
Андрей Иванович Шетнев 15
нэм помлон мод джынйын,
Тверь. Зюзя кывлон вежор-
тасы: бёрдысь морт; няйтось,
юысь морт (Даль).

КУЗНЕЦОВ. Овыс - профес-
сия, ремесло серти. Кузнечьяс
важон вёломаёс пошти быд
погостын. 1585 воын, Ужга-
ын: "Двор Ивашко Дмитриев
Кузнец", сэк жё - овтом керка
Стенька Кузнецлон. Мунёма,
код тодас кытчö". Öни Кузне-
цовъяс паськаломаёс респу-
блика пасьта.

Уважаемые жители села Усть-Кулом!

В 2013 году нашей школе исполнится 170 лет. В жизни каждого из Вас школа оставила большой след, способствовала жизненному успеху. Каждый коренной житель нашего села учился в нашей школе. Приглашаем всех принять участие в юбилейных мероприятиях, которые состоятся в декабре 2013 года. Можете направить на адрес администрации школы ваши воспоминания о школе, учителях и школьных годах.

Директор Усть-Куломской СОШ О.В.Пунегова.

